

ქ. ზუგდიდი

27 ივნისი, 2016 წელი.

ერთის მხრივ, **სსიპ „შოთა მესხიას ზუგდიდის სახელმწიფო სასწავლო უნივერსიტეტი“** (შემდგომში „შემსყიდველი“), მისი უფლებამოსილი წარმომადგენლის, ადმინისტრაციის ხელმძღვანელის ზაალ ქორთუას სახით და მეორეს მხრივ, **შპს „ივერია ქსელი“** (შემდგომში „მიმწოდებელი“), მისი უფლებამოსილი წარმომადგენლის, დირექტორის ჯამბულ მაქაცარიას სახით, ორივე ერთად წოდებული როგორც მხარეები „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნათა გათვალისწინებით, გამარტივებული შესყიდვის საშუალებით, ვდებთ წინამდებარე ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი

- 1.1 „მიმწოდებელი“ იღებს ვალდებულებას, უზრუნველყოს „შემსყიდველი/აბონენტი“ შემდეგი მომსახურებით:
 - 1.1.1 სადენიანი სპილენძის წყვილების საშუალებით, ADSL 2+-ის ტექნოლოგიის გამოყენებით ინტერნეტ მომსახურების (CPV კოდები: 72400000 - ინტერნეტ მომსახურებები) მიწოდებას.
 - 1.1.2 უზრუნველყოს „შემსყიდველი/აბონენტი“ **29 (ოცდაცხრა)** ლარიანი ინტერნეტ მომსახურების პაკეტით.
 - 1.1.3 უზრუნველყოს „შემსყიდველი/აბონენტი“ ქსელში ჩართვისათვის აუცილებელი აპარატურით (მოდემი, ფილტრი), რომელიც „შემსყიდველს/აბონენტს“ გადაეცემა დროებით სარგებლობაში პუნქტ 5.2-ში მითითებული პირობებით.
- 1.2 მომხმარებლის მიერ სტანდარტული პაკეტისაგან განსხვავებული მომსახურების მიღების სურვილის შემთხვევაში, „მიმწოდებელსა“ და „შემსყიდველს/აბონენტს“ შორის გაფორმდება დამატებითი შეთანხმება, რომლის პირობები განისაზღვრება მომხმარებლის მოთხოვნების შესაბამისად და რომელიც იქნება ამ ხელშეკრულების განუყოფელი ნაწილი.

2. მომსახურების ღირებულება

- 2.1 „შემსყიდველს/აბონენტს“ ქსელში ჩართვისათვის სავალდებულოა:
 - აბონენტს არ გააჩნდეს სატელეფონო მომსახურების დავალიანება და არ მოეხსნას ტელეფონი.
 - ტელეფონის ხაზის პარამეტრები უნდა აკმაყოფილებდეს ტექნიკურ ნორმებს.
 - ციფრული სააბონენტო ხაზი უნდა იყოს ინდივიდუალური სარგებლობის.
- 2.2 **ციფრული სააბონენტო ხაზის მომსახურების გადასახადი (სააბონენტო გადასახადი) 2016 წლის 1 ივლისიდან 31 დეკემბრის ჩათვლით, არჩეული პაკეტის შესაბამისად (სულ 8 პაკეტი) შეადგენს 1392 (ექვსასოთხმოცდათექვსმეტი) ლარს.**
- 2.3 მომსახურების გადასახადის გადახდა ხდება ყოველთვიურად.
- 2.4 უფასო კონსულტაციების მიღება და მომსახურე პერსონალის ადგილზე გამოძახება შესაძლებელია ტელეფონის ნომერზე (0415) 25 00 55.

3. მომსახურების ხარისხი

- 3.1 ციფრული სააბონენტო ხაზის (ე.წ. ADSL 2+-ის) მომსახურების ხარისხი შეესაბამება არსებულ სტანდარტებს.

4. ანგარიშსწორების ფორმა და წესი

- 4.1 ანგარიშსწორება „მიმწოდებელთან“ განხორციელდება უნაღლო ანგარიშსწორებით.
- 4.2 ანგარიშსწორებას „შემსყიდველი/აბონენტი“ განახორციელებს ფაქტობრივად გაწეული მომსახურების გათვალისწინებით შესაბამისი საგადასახადო ანგარიშ-ფაქტურისა (ან კანონმდებლობით დაშვებული სხვა დოკუმენტი) და მიღება-ჩაბარების აქტის (ასეთის არსებობის შემთხვევაში) წარდგენიდან 10 (ათი) კალენდარული დღის განმავლობაში.

5. მხარეთა უფლებამოსილება და პასუხისმგებლობა

5.1 „შემსყიდველი/აბონენტი“ ვალდებულია:

- 5.1.1 უზრუნველყოს გაწეული მომსახურების შესაბამისი ანაზღაურების გადახდა „მიმწოდებლისათვის“ წინამდებარე ხელშეკრულების პირობათა სრული დაცვით;
- 5.2 ხელშეკრულების შეწყვეტის შემთხვევაში „მიმწოდებლის“ წარმომადგენელი დაუშვას მის ბალანსზე რიცხული მოდემის და ფილტრის დემონტაჟის მიზნით.

5.3 „შემსყიდველი/აბონენტი“ უფლებამოსილია:

- 5.3.1 „მიმწოდებლისაგან“ მოითხოვოს მომსახურების გაწევა ხელშეკრულებით დადგენილი პირობებით და განსაზღვრულ ვადაში;
- 5.3.2 „მიმწოდებლის“ მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება;
- 5.3.3 დაუბრკოლებლად განახორციელოს „მიმწოდებლის“ მიერ გაწეული მომსახურების ხარისხის შემოწმება;

5.4 „მიმწოდებელი“ ვალდებულია:

- 5.4.1 ხელშეკრულებით დადგენილ ვადაში, ხელშეკრულებით დადგენილი პირობებით გასწიოს მომსახურება;
- 5.4.2 ხელშეკრულების მოქმედების პერიოდში „შემსყიდველს“ წარუდგინოს გაწეულ მომსახურებასთან დაკავშირებით ნებისმიერი სახის ინფორმაცია და დოკუმენტები;
- 5.4.3 საკუთარი ხარჯებით უზრუნველყოს „შემსყიდველის“ მიერ გამოვლენილი ყველა ნაკლის აღმოფხვრა, რომელიც გამოწვეულია გაწეული მომსახურებიდან;
- 5.4.4 მომსახურების გაწევასთან დაკავშირებით მოთხოვნის შემთხვევაში წარუდგინოს შემსყიდველს გაწეული მომსახურების შესახებ შესაბამისი პირველადი დოკუმენტაციის ასლები და ანგარიში, რომლის შემდგომაც ფორმდება დადგენილი ფორმის მიღება-ჩაბარების აქტი;
- 5.4.5 დაუყოვნებლივ აცნობოს „შემსყიდველს“ ხელშეკრულებით გათვალისწინებული ვალდებულებების შესრულების შეუძლებლობისა ან/და ხელისშემშლელ დაბრკოლებათა შესახებ;
- 5.4.6 ხელშეკრულების შესრულების პერიოდში სუბკონტრაქტების დადების აუცილებლობის წარმოშობის შემთხვევაში, წერილობით აცნობოს „შემსყიდველს“ შესაბამისი თანხმობის მისაღებად.

5.5 „მიმწოდებელი“ უფლებამოსილია:

- 5.5.1 „შემსყიდველისგან“ მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

6. შეტყობინება

- 6.1 ნებისმიერი შეტყობინება, მხარის მიერ ხელშეკრულების შესაბამისად, გაეგზავნება მეორე მხარეს წერილობითი სახით, ხელშეკრულებაში მითითებულ მეორე მხარის მისამართზე.
- 6.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

7. ხელშეკრულების შესრულების შეფერხება

- 7.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შეუსრულებლობის საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. ხოლო შეტყობინების მიმღები მხარე კი ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

- 7.2 იმ შემთხვევაში თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

8. მხარეთა პასუხისმგებლობა

- 8.1 მხარეთა პასუხისმგებლობა განისაზღვრება საქართველოს კონსტიტუციით, სამოქალაქო კანონმდებლობით, „მეწარმეთა შესახებ“, „ელექტრონული კომუნიკაციების შესახებ“, „მომხმარებელთა უფლებების დაცვის შესახებ“ საქართველოს კანონებით და სხვა მოქმედი საკანონმდებლო თუ კანონქვემდებარე ნორმატიული აქტებით, რომლებიც არეგულირებს ურთიერთობას მეურნე სუბიექტსა და მომხმარებელს შორის.
- 8.2 „შემსყიდველი/აბონენტი“ პასუხისმგებელია „მიმწოდებლის“ წინაშე დროებით სარგებლობაში გადაცემული მოდემის დაცვაზე და შენახვაზე. იმ შემთხვევაში, თუ „შემსყიდველის/აბონენტის“ მიერ „მიმწოდებლის“ აპარატურა იქნება დაზიანებული ან დაკარგული, იგი ვალდებულია აუნაზღაუროს „მიმწოდებელს“ მისი საბაზრო ფასი.
- 8.3 „შემსყიდველის/აბონენტის“ მიერ დაკარგვის ან დაზიანების, აგრეთვე ოპერატორის წარმომადგენლის აპარატურასთან დაუშვებლობის შემთხვევაში, „შემსყიდველს/აბონენტს“ შეუწყდება მომსახურების ხელშეკრულება და დაერიცხება სატელეფონო დავალიანების სახით მოდემის და ფილტრის ღირებულება, რაც გათვალისწინებულია ამ ხელშეკრულების 1.1.3. პუნქტით.
- 8.4 „მიმწოდებელი“, არ არის პასუხისმგებელი იმ ზარალზე, რომელიც შესაძლებელია მიაყენოს „შემსყიდველის/აბონენტის“ მესამე პირს ციფრული სააბონენტო ხაზის გამოყენებით.
- 8.5 „მიმწოდებელი“ არ აგებს არავითარ პასუხს იმ ზარალზე, რომელიც შეიძლება მიადგეს „შემსყიდველს/აბონენტს“ ან მის როგორც ინტელექტუალურ, ასევე მატერიალურ ფასეულობას გარე ქსელიდან მესამე პირების მიერ ორგანიზებულ წინასწარ განზრახული (ან შემთხვევით) ჩარევის შედეგად.

9. მხარეთა პასუხისმგებლობა ხელშეკრულების პირობების შეუსრულებლობისათვის

- 9.1 ფორს-მაჟორული პირობების გარდა, „მიმწოდებლის“ მიერ ხელშეკრულების პირობების შეუსრულებლობა ან/და დაგვიანებით შესრულება გამოიწვევს მისს პასუხისმგებლობას, მოქმედი კანონმდებლობითა და წინამდებარე ხელშეკრულებით განსაზღვრული წესის შესაბამისად.
- 9.2 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის „მიმწოდებელს“ ეკისრება პირგასამტეხლო, ხელშეკრულების საერთო ღირებულების 0.1%-ის ოდენობით, რომლის გადახდა უნდა მოხდეს „შემსყიდველის“ წერილობითი მოთხოვნის მიღებიდან 20 (ოცი) სამუშაო დღის განმავლობაში.
- 9.3 ანგარიშსწორების ვადის დაღვევის ან გაწეული მომსახურების ღირებულების არასრულად გადახდის შემთხვევაში, „შემსყიდველს“ ეკისრება პირგასამტეხლო, გადაუხდელი თანხის 5%-ის ოდენობით, ყოველი გადაგადაცილებული დღისათვის, რომლის გადახდა უნდა მოხდეს „მიმწოდებლის“ წერილობითი მოთხოვნის მიღებიდან 20 (ოცი) სამუშაო დღის განმავლობაში.
- 9.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10%-ს, მხარეებს უფლება აქვთ შეწყვიტონ ხელშეკრულება.
- 9.5 „შემსყიდველი“ უფლებას იტოვებს მოახდინოს პირგასამტეხლოს გამოქვითვა „მიმწოდებლისათვის“ ასანაზღაურებელი თანხიდან.
- 9.6 პირგასამტეხლოს გადახდა არ ათავისუფლებს დამრღვევ მხარეს ხელშეკრულებით ნაკისრი ვალდებულებების შესრულებისაგან.
- 9.7 პასუხისმგებლობის სხვა ფორმები, რაც არ არის გათვალისწინებული ამ ხელშეკრულებაში, განისაზღვრება მოქმედი კანონმდებლობით.

10. ხელშეკრულების მოქმედების შეწყვეტა

- 10.1 ხელშეკრულების დამდები მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.
- 10.2 ხელშეკრულების შეწყვეტის შესახებ მხარეს ეცნობება წერილობით ხელშეკრულების (ან მისი ნაწილის) შეწყვეტამდე 20 (ოცი) დღით ადრე მაინც, ამასთან, უნდა მიეთითოს მიღებული გადაწყვეტილების საფუძველი და მისი ამოქმედების თარიღი.

- 10.3 ხელშეკრულების ცალკეული პირობების მოქმედების შეწყვეტა, არ ათავისუფლებს მხარეებს დანარჩენი ვალდებულებების შესრულებისაგან.
- 10.4 მხარეთა შორის გაფორმებული მიღება-ჩაბარების საბოლოო აქტი წარმოადგენს ხელშეკრულების მოქმედების შეწყვეტის საფუძველს.

11. ღირს-მაჟორი

- 11.1 მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.
- 11.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 11.3 მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

12. დავების გადაწყვეტის წესი

- 12.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 12.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

13. ხელშეკრულების ინსპექტირების პირობები

- 13.1 „შემსყიდველს“ ან მის წარმომადგენელს უფლება აქვს ხელშეკრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.
- 13.2 ხელშეკრულების კონტროლს (ინსპექტირებას) ახორციელებს „შემსყიდველის“ მიერ გამოყოფილი წარმომადგენელი: - ბეჟან აკობია – მატერიალური რესურსების მართვის სამსახურის უფროსი. არჩილ შენგელია – კომპიუტერული ლაბორატორიების გამგე.
- 13.3 ინსპექტირება განხორციელდება წარმოქმნილი საჭიროებიდან გამომდინარე.
- 13.4 „შემსყიდველის“ მიერ გამოყოფილი ინსპექტირების ჯგუფი ან წარმომადგენელი უფლებამოსილია განახორციელოს გაწეული ან/და გასაწევი მომსახურების მოცულობის, ხარისხისა და მიწოდების ვადების კონტროლი.
- 13.5 „მიმწოდებელი“ ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ხარვეზის ან ნაკლის აღმოფხვრა, თუ ეს გამოწვეულია სადემარკაციო წერტილიდან „მიმწოდებლის“ მხარეს არსებული დაზიანებით.
- 13.6 „მიმწოდებელი“ ვალდებულია მომსახურების განხორციელების დროს ინსპექტირების ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელიშეშლელი პირობები და წარუდგინოს მომსახურების გაწევისთან დაკავშირებით ნებისმიერი სახის ინფორმაცია და დოკუმენტები.
- 13.7 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა საშუალო პირობებით.

14. დასკვნითი დავულობანი

- 14.1 მხარეები ხელმძღვანელობენ ურთიერთპატივისცემის პრინციპით და თანამშრომლობის გარდამავების სურვილით.
- 14.2 ხელშეკრულების მხარეები ვალდებული არიან გაუფრთხილდნენ თითოეულის სახელს, საქმიან რეპუტაციას და ღირსებას.
- 14.3 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

- 14.4 ხელშეკრულების მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების შესახებ და ა.შ. თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.
- 14.5 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.
- 14.6 **ხელშეკრულება ძალაში შედის 2016 წლის 1 აპრილიდან და მოქმედებს 2017 წლის 20 თებერვლამდე.**
- 14.7 წინამდებარე ხელშეკრულება შედგენილია 3 (სამი) თანაბარუფლებიანი ძალის მქონე ეგზემპლარად 2 (ორი) ეგზემპლარი ინახება „შემსყიდველთან“, ხოლო 1 (ერთი) ეგზემპლარი გადაეცემა „მიმწოდებელს.“
15. მხარეთა მისამართები, საბანკო რეკვიზიტები და ხელმოწერები

„შემსყიდველი“

„მიმწოდებელი“

სსიპ „შოთა მესხიას ზუგდიდის სახელმწიფო
სასწავლო უნივერსიტეტი“

საიდენტიფიკაციო კოდი: **220407888**

იურიდიული მისამართი: ქ. ზუგდიდი, ჯანაშიას ქ.
№14

გადამხდელის ბანკი: სახელმწიფო ხაზინა

ბანკის კოდი: TRESGE22

ა/ა: /სახაზინო კოდი/ - 32040510

შპს „ივერია ქსელი“

საიდენტიფიკაციო კოდი: **202926076**

იურიდიული და ფაქტური მისამართი: ქ. ზუგდიდი,
კოსტავას ქ. №5ა

საბანკო რეკვიზიტები: სს „საქართველოს ბანკი“

ბანკის კოდი: BAGAGE22

ანგარიშის ნომერი: GE41BG000000121611300

ადმინისტრაციის

ხელმძღვანელი:

შპს „ივერია ქსელი“-ს

დირექტორი:

